

經

義

述

聞

經義述聞第十五

高郵王引之

禮記中七十四條

命祝史告于社稷宗廟山川 五官 不祔於皇姑
以此若義也 葬引 不以人之親疢患 父師 孝
弟睦友子愛 貴宮 公素服不舉 愛之以敬 選
賢與能 燔黍捭豚 樽巢 未有麻絲 辟於其義
故聖人作則必以天地爲本 故功有藝也 天不
愛其道 設於地財 與年之上下 天子之豆二十
有六 父黨無容 衆之紀也 必先有事於頻宮
其餘無常貨 旦明 朝覲大夫之私覲 貳君 大

夫強而君殺之義也由三桓始也 天子樹瓜華 以
移民也 君子不興功 壹與之齊 婦盟饋 羶薌
擇於諸母與可者 則必引而去君之黨 魚須文
竹 立主人之北南面 君子之容舒遲見所尊者齊
邀 蕃鬣 夏后氏之鼓足 齊衰惡筭 別之以禮
義 問道藝 不旁狎 乘車服馬不齒 枕几穎杖
呻其佔畢 多其訊言及于數進而不顧其安 隱
其學 有遺音者矣 物至知知 樂由中出故靜
莊敬恭順 測滌厚 其移風易俗 志微 狄成
以繩德厚 律小大之稱 感條暢之氣 五色成文

而不亂 八風從律而不姦 百度得數而有常 樂
氣 纓雜子女 唯某之聞諸蓍安亦若吾子之言
名之曰建囊 繁瘠 族長 天地之命 得其儕

命祝史告于社稷宗廟山川

曾子問諸侯適天子必告于祖奠于禩冕而出視朝命
祝史告于社稷宗廟山川注曰臨行又徧告宗廟孝敬
之心也引之謹案社稷二字疑因上文以名徧告及社
稷宗廟山川而衍下文諸侯相見命祝史告于五廟所
過山川注曰山川所不過則不告貶於適天子也注意謂上
文適天子但云告山川不言適天子告于山川而此云
所過則所不過者亦告也

告于所過山川其文小異鄭猶解釋其義如適天子告于社稷而此不告則其文迥殊鄭安得無注今但云山川所不過則不告貶於適天子而不云不告社稷貶於適天子則適天子時所告亦無社稷可知正義釋注臨行又徧告宗廟二句曰案上文云諸侯適天子必告于祖奠于禩此又命祝史告于宗廟山川故云臨行又徧告宗廟孝敬之心也正義舉經文無社稷二字是其明證又告者五日而徧過是非禮也正義曰前命祝史告山川而諸侯猶待告徧乃行也以五日爲期所以爾者爲先以告廟載遷主若久畱不去則爲非禮故云過是

非禮也。但云告廟告山川而不及社稷。則所據本無此二字矣。唐石經始誤衍。

五官

乃命國家五官而後行。鄭注曰。五官五大夫典事者。正義曰。案大宰云。建其牧。立其監。設其參。傅其佐。是諸侯有三卿五大夫。不云命卿者。或從君出行。或雖在國。畱守。總主羣吏。如三公。然不專主一事。且尊之。旣命五大夫。則卿亦命之可知。故不顯言命卿也。引之謹案。五官謂司徒司馬之屬。卿大夫皆得爲之。春秋時。魯季孫爲司徒。孟孫爲司空。叔孫爲司馬。皆卿也。言命五官。則卿

大夫咸受命矣。曲禮：天子之五官，曰司徒、司馬、司空、司士、司寇，典司五眾。大戴禮：千乘篇，千乘之國，列其五官。四代篇：率禮朝廷，昭有五官，無廢遼。周書：大明武篇，順天行五官。官候厥政。管子：大匡篇，乃令五官行事。墨子：節葬篇，王公大人蚤朝，五官六府，羣書治要，引申子大體篇：有道者不爲五官之事而爲治主。商子：君臣篇，地廣民衆，萬物多，故分五官而守之。韓子：五蠹篇，其帶劍者，聚徒屬，立節操，而犯五官之禁，齊策：五官之計不可不日聽也。賈子：耳痺篇，五官公而不私。春秋繁露：五行相生篇，司馬者火也，司營者土也，司徒者金也，司寇者

水也。司農者木也。昭二十九年左傳。五行之官。是謂五官。實列受氏姓。封爲上公。祀爲貴神。木正曰句芒。火正曰祝融。金正曰蓐收。水正曰元冥。土正曰后土。楚語。於是乎有天地神民類物之官。是謂五官。管子五行篇。黃帝作立五行以正天時。五官以正人位。事類並相近矣。

不祔於皇姑

曾子問曰。女未廟見而外。則如之何。孔子曰。不遷於祖。不祔於皇姑。正義曰。言祔祭之時。又不得祔於皇姑廟也。皇。大也。君也。稱皇者尊之也。引之謹案。此皇姑與土

昏禮之皇姑異。士昏禮之皇姑。謂既沒之姑。此皇姑。則謂祖姑也。喪服小記曰。婦祔於祖姑。士虞禮記。婦曰孫婦于皇祖姑某氏是也。此未成爲婦。不得用婦祔於祖姑之禮。故不祔於祖姑也。知非既沒之姑者。喪服小記曰。祔必以其昭穆。婦與姑昭穆不同。義不當祔。故必祔於祖姑。而後昭穆相當也。隱三年左傳。夏君氏卒。聲子也不赴於諸侯。不反哭於寢。不祔於姑。杜注曰。夫人喪禮卒哭而祔於祖姑。然則祖姑亦可單稱姑。故謂皇祖姑爲皇姑也。正義失考。

以此若義也

家大人曰。孔子荅曾子以宗子去在他國。庶子無爵而居者代祭之禮。下文云子游之徒有庶子祭者。以此若義也。鄭讀以此爲一句。若義也爲一句。注曰。若順也正。義曰。謂順於古義。今案以此若義也五字當作一句讀。以用也。此若義。猶言此義。言子游之徒有庶子祭者用此義也。下文曰。今之祭者不首其義。故誣於祭也。正謂子游之徒用此義。而今之祭者不用此義也。此若二字連讀。若亦此也。論語公冶長篇曰。君子哉若人。古人自有複語耳。荀子儒效篇曰。行一不義。殺一無罪。而得天下。不爲也。此若義信乎人矣。今本若誤作君。楊倞注曰。以君義通於四海。非也。新序雜事篇作若義信乎人矣。若。

亦此也。管子山國軌篇曰：此若言何謂也。地數篇曰：此若

言可得聞乎。輕重丁篇曰：此若言易謂也。墨子尚賢篇

曰：此若言之謂也。節葬篇曰：以此若三聖王者觀之。又

曰：以此若三國者觀之。史記蘇秦傳曰：王何不使辯士

以此若言說秦。

今本若譌作若。燕策作若此言。

皆並用此若二字。墨子

尚賢篇又曰：夫若言之謂也。夫亦此也。

論語先進篇曰：夫人不言。

葬引

葬引至于壙。日有會之。則有變乎。且不乎。家大人曰：葬

引至于壙。本作葬既引。

句

至于壙。上文云：君之瘞既引。

聞父母之瘞。如之何。又云：父母之瘞既引。及塗。聞君之

瘞如之何。與此葬旣引文同一例。若無旣字。則文義不完。然據正義。曾子以葬引至塗云云。則所見本已脫旣字。不始於唐石經矣。士瘞禮記注引此。正作葬旣引至于垣。

不以人之親疢患

且君子行禮。不以人之親疢患。鄭注曰。疢。病也。以人之父母行禮。而恐懼其有患害。不爲也。引之謹案。疢。讀爲貼。貼。臨也。近也。王逸注離騷曰。貼。近也。漢書文帝紀。或貼於外。服虔曰。貼音反。貼之。貼。孟康曰。貼音屋。檐之檐。如淳曰。近邊欲墮之意。師古曰。服孟二音。竝通。文選。

思元賦。貼焦原而跟趾。舊注曰。貼。臨也。李善引薛瓚漢書注曰。臨危曰貼。貼與疢通。廣韻。疢音失。廉都念二切。集韻。疢。貼。泣。都念切。然則疢患者。臨於患害也。此言見星而行。則有寇盜之患。日食。則或至於見星。若日食而務速葬。則是以人之親。臨於患害。故君子不爲也。鄭訓疢爲病於義未確。

父師

文王世子。樂正司業。父師司成。鄭發注於上文大司成曰。樂正司業。父師司成。則大司成司徒之屬師氏也。師氏掌以美詔王。教國子以三德三行。及國中失之事也。引之謹案。古字父與甫通。爾雅曰。甫。大也。父師。大師也。

大後大或作太音泰古但作大自虎通義十二月律謂之大呂何大者大也正月律謂之大族何大亦大也

微子父師少師傳曰父師大師也父與少相對爲文少者小也父者大也故史記宋世家作大師少師洛誥正義引尙書大傳致仕之臣教於州里大夫爲父師士爲少師父師亦大師也故亦與少師對文禮書卷四十九引尙書大傳小師取小學之賢者登之大學大師取大學之賢者登之天子小師少師也大師父師也大師主大學之事故曰大司成論說在東序又曰父師司成

孝弟睦友子愛 子庶民也 子民如父母

子以愛之 子愛百姓

引之謹案慈愛也字通作子墨子非儒篇不可使慈民

晏子外篇慈作子是也文王世子庶子之正於公族者

教之以孝弟睦友子愛謂教之以孝弟睦友慈愛也緇

衣故君民者子以愛之則民親之謂慈以愛之也子以愛之

與信以結之恭以涖之相又曰故長民者章志貞教尊

仁以子愛百姓謂慈愛百姓也中庸子庶民也謂慈庶

民也正義謂愛民如子失之表記子民如父母謂慈民如父母也

乃鄭注於子字皆無訓釋釋文亦不作音蓋失其讀久

矣樂記致樂以治心則易直子諒之心油然而生矣朱子

讀子諒為慈良是也喪服四制曰繼世即位而慈良於

喪慈良與子諒同。

貴宮

諸父守貴宮貴室鄭注曰謂守路寢釋文作諸父守貴室。曰本或作守貴宮貴室正義曰指其院宇謂之宮指其所居之處謂之室此貴宮貴室摠據路寢皇氏云或俗本無貴宮者定本有貴宮引之謹案無貴宮者是也下文諸子諸孫与下宮下室注曰下宮親廟也正義曰除大廟之外唯有親廟高祖以下故云下宮親廟也下室燕寢也或言宮或言廟通異語是宮謂廟室謂寢意義各殊如貴室上有貴宮二字則鄭必分別釋之當言貴宮爲何廟及或言宮或三

廟之通異語并當注於此節矣。乃注但曰。謂守路寢路寢二字。專指貴室言之。猶下注燕寢二字。專指下室也。而無一語及貴宮言宮言廟之注。又不繫於此節。至下節之下宮。始加訓釋。然則此節經文無貴宮二字矣。再以經文考之。上文正室守大廟。注曰。正室適子也。大廟大祖之廟。下文諸子諸孫守下宮。下室。注曰。下宮親廟也。然則大廟對下宮言之。卽是宮之貴者。適子固已守之矣。又何須諸父守貴宮乎。若謂別有貴宮。則諸侯五廟除大廟及四親廟之外。別無他廟也。下文之下宮。卽四親廟。後人不知而妄增貴宮二字。孔氏不能釐正。乃曰貴宮貴

室。摠據路寢。

周官宮正注引此有貴宮二字。後人據誤。本禮記加之也。賁疏曰貴宮貴室同爲路

寢。誤與孔同。

如其說則下宮下室亦可謂之摠據燕寢乎。當

以釋文爲是。後儒不知貴宮二字爲經文所無。於是或以貴宮爲尊廟。或以爲昭廟。或以爲若魯公廟。或以爲羣公四親之廟。皆不考鄭注釋文而臆爲之說也。

公素服不舉

公素服不舉。爲之變。如其倫之喪。下文釋之曰。素服居外。不聽樂。私喪之也。朱子曰。公素服下。脫居外。不聽樂五字。引之謹案。襄二十六年左傳。古之治民者。將刑爲之不舉。不舉則徹樂。是不舉盛饌。則亦不聽樂。二者相

因但言不舉而不聽樂已在其中。且不舉下尚有爲之變三字。則所包者眾矣。居外亦在其中莊二十一年左傳。今王子黯歌舞不倦。樂禍也。夫司寇行戮。君爲之不舉。而況敢樂禍乎。上言歌舞而不言盛饌。下言不舉而不言徹樂。互文也。此文上言不舉。下言不聽樂。亦互文也。然則公素服下本無脫文明矣。

愛之以敬

是故聖人之記事也。慮之以大。愛之以敬。行之以禮。脩之以孝。養紀之以義。終之以仁。鄭注。愛之以敬。行之以禮。脩之以孝。養紀之以義。終之以仁。鄭注。愛之以敬。曰。謂省其所以養老之具。正義曰。愛之以敬者。解適饌省醴。是

愛而又敬之也。引之謹案。如孔說。則愛之謂愛所養之
老矣。案上下五之字。皆指事言之。不應此一之字。獨指
人言之也。且愛敬義殊。不得合爲一事。若謂愛而又敬
則經文當云愛而敬之。何得云愛之以敬乎。愛疑當作
受。字相似而誤也。管子明法解。欲以受爵祿而避罰也。今本受誤作愛。魏策且夫憎韓不愛安陵氏可也。今本愛誤作受。是二字常相亂。受者承也。見喪服及楚語注。繼也。見廣雅。謂已慮之以大。又繼之以敬也。

選賢與能

禮運選賢與能。正義曰。此明不世諸侯也。國不傳世。唯
選賢與能也。黜四凶。舉十六相之類是也。引之謹案。與

當讀爲舉。大戴禮王言篇選賢舉能是也。舉與古字通。无妄象傳物與无妄。虞翻注曰與謂舉也。地官師氏王舉則從。故書舉爲與。楚辭九章與前世而皆然兮。言舉前世而皆然也。七諫與世皆然兮。王逸注曰與舉也。墨子天志篇天下之君子與謂之不祥。言舉謂之不祥也。

燔黍捭豚

燔黍捭豚。鄭讀捭爲擘。云釋米擘肉加於燒石之上而食之。家大人曰燔與捭一聲之轉。皆謂加於火上也。廣雅曰燔謂之焦。大雅韓奕正義引通俗文曰燔煮曰焦。古無燔字。借捭爲之。鹽鐵論散不足篇曰古者燔黍食稗而捭豚以相饗。

卽用禮運之文。

櫓巢

管者先王未有宮室冬則居營窟夏則居櫓巢山井鼎
禮記考文曰古本櫓作櫓足利本同謹案家語問禮篇
亦作櫓句解本音魯或曰櫓巢太平御覽五十五

地部
二十七

引作櫓巢釋名云櫓露也露上無屋覆也左傳楚子登
巢車以望晉軍杜注云巢車車上爲櫓孔氏正義引說
文云輶兵高車加巢以望敵也櫓澤中守草樓也巢與
櫓俱是樓之別名

家大人曰說文櫓大盾也無澤中守
草樓之訓櫓本作櫓說文櫓澤中守

草樓正義引此者證巢爲樓之別名也若櫓爲樓之別
名則人所共知不煩引書爲證矣今本正義作櫓者涉

下句巢與今本作檀傳寫之誤陽城張氏古餘撫本禮

檀而誤

記鄭注考異曰古足利二本大誤鄭注云暑則聚薪柴居其上正義云謂檀聚其薪以爲巢釋文云檀本又作增又作曾同則登反合而觀之可知檀巢者檀之而爲巢猶上句是營之而爲窟也鄭意如此孔陸讀之了然無誤至於家語今汲古閣所刻出於宋板者仍作檀但王肅注分檀巢爲兩事與鄭立異而已初非改檀爲檀也山井鼎蓋未識此若據太平御覽引作檀而以作檀者爲傳寫之誤更非也此經之作檀決以孔陸所讀之鄭注苟云傳寫誤豈鄭傳寫經已誤耶將孔陸傳寫鄭

而誤也。何御覽獨不得有傳寫誤乎。斯不然矣。唐石木
及各本作櫓。亦並不誤。家大人曰。張說是也。鄭注云。聚
薪柴居其上。王注家語云。有柴爲櫓。在樹曰巢。雖櫓巢
分訓。而櫓字之義則同。若改櫓爲櫓。而云有柴爲櫓。則
義不可通。子雉無此謬也。釋文櫓又作曾。櫓之言曾也。
楚辭招魂。曾臺累榭。王注云。曾重也。重聚薪柴以爲巢。
故謂之櫓巢。其鳥巢亦謂之曾巢。犬戴記曾子疾病篇
云。鷹鶴以山爲卑。而曾巢其上。是也。爾雅。家所寢。櫓。舍
人曰。豕所寢。草爲
櫓義亦相近。廣雅云。櫓巢也。晏子春秋諫篇云。古者嘗有處
櫓巢窟穴。而王天下者。舊本脫而王天下者五字。今據
上文。及初學記。帝王部。太平御

覽皇王部一引補。此皆楷巢二字之明證。若改楷為楷，則與巢

字義不相屬。諸書豈有言楷巢者乎？且楷者，樓也。先王

未有宮室而巳有樓。此理之不可通者也。鈔本北堂書

鈔帝王部十五引作增巢。與釋文別本合。陳禹謨改增為楷。今本誤作楷。地部

一引作曾巢。亦與釋文別本合。陳禹謨本曾作曾非。鈔本太平御覽時序

部十一亦引作曾巢。廣韻及晉書地理志文選東征賦

注。初學記帝王部。鈔本御覽地部二十。皇王部三。竝引

作楷巢。其作楷巢者。刻本之誤耳。楷楷字形相似。世人

多見楷。少見楷。故楷誤作楷。山井鼎所引家語及或說

所引太平御覽皆誤本也。

未有麻絲 治其麻絲

未有麻絲衣其羽皮。家大人曰：麻絲當爲絲麻。麻與皮

爲韻。

皮古讀若婆。說見唐韻正。

自及其舛也。至是謂大祥皆用韻之

文。無此二句。獨不用韻之理。白帖五十七引作無絲麻

太平御覽服章部六引作未有絲麻。皆其證。下文治其

麻絲以爲布帛。亦當作絲麻。小雅采芣正義儀禮喪服

疏。篇內凡兩引。

北堂書鈔帝王部十七。白帖八十二。太平御

覽服章部六。布帛部五。並引作治其絲麻。又郊特牲正

義曰：禮運云：後世有絲麻。大雅卷阿正義曰：治其絲麻

以爲布帛。民之職也。皆其證。自唐石經始作麻絲。而各

本遂沿其誤諸書所引亦有作麻絲者皆後人以誤本
禮記改之也家語問禮篇云未有絲麻衣其羽皮又云
治其絲麻以爲布帛皆用禮運之文

辟於其義

必知其情辟於其義明於其利達於其患鄭注曰辟開
也引之謹案曰知曰辟曰明曰達義並相近辟亦明也
謂明於父慈子孝以下十者之義也見下鄭注王制祭
統及鴻範五行傳並曰辟明也此訓爲開者開與明義
亦相近謂開通於十者之義也大戴禮係傳篇曰開正
義謂開闢其義以教之失其指矣於道術知義理之指

故聖人作則必以天地爲本

正義曰。則法也。人既是天地之心。故聖人作法。必用天地爲根本也。引之謹案。此用家語注也。家語禮運篇。全襲此篇之文。王肅讀聖人作則爲句。注曰。作爲法則是正義所本也。然上文曰。後聖有作。然後脩火之利。則此亦當以故聖人作爲句。作起也。興也。起而在位也。易文言曰。聖人作而萬物覩。文義與此同。則字屬下讀。言有聖人起。則其爲政。必以天地爲本也。鄭注不解則字。則屬下讀可知。

故功有藝也 協於分藝 義者藝之分

月以爲量。故功有藝也。鄭注曰：藝猶才也。十二月各有

分。猶人之才各有所長也。陸佃曰：月以爲量，成虧相備。

故功有藝極也。胡銓曰：藝極也。春秋傳：貢賦無藝。賦當

見昭十二年左傳正義引服注曰：藝極也。一曰常也。杜注曰：藝，法制。引之謹案：如鄭說，則

是功猶藝矣。與有字之義不合。陳澧曰：事功滋長，如樹

當以陸氏胡氏之說爲是。藝之言臬，臬極也。小爾雅：法

也。廣雅：臬，準也。說文：臬，射準的也。漢書：司馬相如傳：臬作藝。文六年左傳：陳

之藝極是也。杜注：藝，準也。上文以日星爲紀，故事可列也。注

曰：事以日星爲候，興作有次第，此功亦謂興作如農功

土功之類是也。月以爲量，則興功之蚤莫有準，終始有

法如三之日于耜四之日舉趾及九月除道十月成梁

之類皆有常期故功有藝也有藝對無藝言之昭十六

年左傳大國令而其無藝杜注藝法也二十年傳布常無藝

杜注藝魯語貪無藝也晉語貪欲無藝韋注並曰藝極也越語

用人無藝謂用眾之道無常也說見越語皆謂無常法無定制也有常

法有定制則謂之有藝矣下文夫禮必本於天動而之

地列而之事變而從時協於分藝謂合於分月而行之

法制也下文又曰義者藝之分仁之節也譜義本因時

之宜乃法制之有分別者也鄭注並以藝爲才亦失之

天不愛其道地不愛其寶人不愛其情

故天不愛其道。地不愛其寶。人不愛其情。鄭注曰。言嘉
瑞出。人情至也。引之謹案。不愛。謂不隱藏也。廣韻。寶字。
注引此。作地不藏其寶。大雅。烝民篇。愛莫助之。毛傳曰。
愛。隱也。字或作藎。爾雅曰。藎。隱也。天不隱其道。地不隱
其寶。卽下文所云天降膏露。地出醴泉。山出器車。河出
馬圖也。人不隱其情。卽上文所云人情不失也。失。當讀
猶去也。愛之爲隱。古人常訓。故鄭注從略。

設於地財 理萬物者也

禮器。禮也者。合於天時。設於地財。順於鬼神。合於人心。
理萬物者也。正義曰。財。物也。所設用物爲禮。答是其土。

地之物也。家大人曰。正義訓設爲所設。則與上下文之言合。言順言理。文義參差。且所設之物。是其土地之物。則當云設以地財。不當云設於地財矣。今案設亦合也。賈雅曰。設合也。設於地財者。謂合於地理之宜也。下文曰。天不生。地不養。君子不以爲禮。又曰。居山以魚鼈爲禮。居澤以鹿豕爲禮。君子謂之不知禮。爲其不合於地財也。鄭注不知禮曰。不順其鄉之所有也。順其鄉之所有。則合於地財矣。司馬法仁本篇。先王之治。順天之道。設地之宜。亦謂合地之宜也。正義又曰。理萬物者。若能使事事如上。則行葦得所。豚魚戴賴。是萬物各得其理。

也。引之謹案廣雅曰。理順也。說文曰。順理也。說卦傳曰。和順於道德而理於義。理亦順也。考工記匠人曰。凡溝水屬不理。孫謂之不行。理孫皆順也。理萬物者。順於萬物也。鄭注周官土均。引此作理於萬物。與上文合於天時。設於地財。順於鬼神。合於人心。四句文勢相埒。下文物曲有利。亦與天時有生。地理有宜。人官有能。三句相埒。正義以理萬物爲上四者之效。非是。

與年之上下

禮之大倫。以地廣狹。禮之薄厚。與年之上下。鄭注曰。用年之豐凶也。引之謹案。上言以下言與。與卽以也。言禮

之大倫。則以地之廣狹。定之禮之厚薄。則以年之上下。定之。變以言與。其實一也。與訓爲以。故鄭注以用字釋之用。亦以也。古人多謂以爲與。繫辭傳曰。是故可與酬酢。可與祐神矣。言可以酬酢。可以祐神也。檀弓曰。般人殯於兩楹之間。則與賓主夾之也。言以賓主夾之也。王藻曰。大夫有所往。必與公士爲賓也。言必以公士爲摯也。義見上文中庸曰。知遠之近。知風之自。知微之顯。可與入德矣。言可以入德也。論語陽貨篇。鄙夫可與事君也與哉。言不可以事君也。孔傳皇疏皆誤以爲與共之與。辭見釋詞。史記袁盎傳。妾主豈可與同坐哉。言不可以同坐也。漢書與作以。貨殖傳。

智不足與權變。勇不足以決斷。仁不能以取。漢書楊
雄傳。建道德以爲師。友仁義與爲朋。文選羽獵賦與下
誤加之字。辭見釋
詞。與亦以也。互文耳。

天子之豆二十有六

天子之豆二十有六。諸公十有六。諸侯十有二。上大夫
八。下大夫六。引之謹案。由公而侯而上大夫。皆降殺以
四。而由天子而公。則降殺以十。多寡不齊。非其實也。天
子與諸公爲君臣。猶諸侯之與上大夫也。諸侯多於上
大夫四豆。而天子多於諸公乃十豆。增減之例。亦不相
準。疑本作天子之豆二十。因下文諸公十有六。遂衍有

六二字。二十者五四之合數也。故其降殺以四。四四而得一十六。故諸公十有六也。三四而得一十二。故諸侯十有二也。二四而得八。故上大夫八也。下大夫再命。但卑於上大夫一命。故降殺以四之半而爲六也。若二十有六。則既多於四六之合數。又少於四七之合數。將何以爲降殺之本乎。桓四年公羊傳注說豆曰。天子二十有六。亦當作天子二十。句末有六二字。蓋後人據誤本禮記加之也。公羊注又云。士二。則由下大夫。鄭注以此而降殺以四也。本或作士三。非。豆數爲堂上之豆。說曰。周禮公之豆四十。秋官。掌客。其東西夾各十有二。堂上之豆。十有六。侯伯之豆三十有二。其東西夾

各十。

堂上之豆。十有二。

子男之豆二十有四。其東西夾各六。

堂上。

之豆。十有二。

是鄭稽合周禮禮器之豆數也。天子之豆。周禮

雖不言其數。然公以下之豆。或四十。或三十。有二。或二

十。有四。皆登降以八。則由公豆四十而登之。天子之豆

當爲四十有八。而在堂上者二十。東西夾各十有四。其

數正相合也。若謂堂上之豆二十有六。則東西夾各十

有一十而餘一。非鼎俎奇而簋豆偶之義矣。

皇氏謂天子之豆六

十。堂上二十六。東西夾各十七。十而餘七。亦非偶數。與

公之東西夾各十二。侯伯之東而夾各七。子男之東而

夾各六者。奇。陸佃說以醯人四豆曰天子朝事八豆。饋

偶不倫矣。食八豆。又加豆八。羞豆二。所謂二十有六。案醯人注謂

朝事爲薦血腥之祭饋食爲薦孰之祭此天子之豆不
云宗廟之祭則非指祭祀言之故鄭注曰豆之數謂天
子朔食諸侯相食及食大夫也何得以祭祀之豆當之
乎陸詒似是而非

父黨無容

至敬無文父黨無容正義曰謂父之族黨事之無有折
旋揖讓之容家大人曰黨所也卿射禮曰乏參侯道居侯黨之一西五步曾子
問曰歸葬於女氏之黨哀五年左傳師乎師乎何黨之
史記齊世家集解引服虔注曰黨所也越語夫上黨之
國韋昭注曰黨所也文十三年公羊傳往黨衛侯會公
於齊反黨鄭伯會公於葵何休注曰黨所也所猶時齊
人語也齊策曰歸於何黨矣釋名曰上黨言父所不敢
黨所也在山上其所最高故曰上黨也

爲容也。內則在父母之所。不有敬事。不敢袒裼。鄭注曰。父黨無容。是其明證矣。

眾之紀也

眾之紀也。紀散而眾亂。鄭注曰。紀。絲縷之數。有紀。正義不釋紀字。引之謹案。紀猶綱也。統也。說文。統。紀也。樂記。中和之紀。鄭注曰。紀。總要之名也。墨子尚同篇。古者聖王爲五刑。請以治其民。譬若絲縷之有紀。罔罟之有綱。所以連收天下之百姓。不尚同其上者也。是紀與綱義相近。禮所以連收天下之民。若絲縷之有統。紀禮散則眾亂。猶紀散而絲亂也。

必先有事於類宮

魯人將有事於上帝必先有事於類宮鄭注曰類宮郊

之學也詩所謂類宮也字或爲郊宮引之謹案注言詩

所謂類宮也則正文必不作類宮而作郊宮

注內先有事於類宮

告后稷也類字亦當作郊

蓋經言郊宮卽魯頌之類宮故曰郊宮郊

之學也詩所謂類宮也郊之學也正釋郊宮二字字或

爲郊宮當作字或爲類宮蓋郊宮卽類宮故本亦有作

類宮者後人多問類宮罕聞郊宮故改正文之郊爲類

又改注以從之而詩所謂類宮一語遂以類宮釋類宮

重複而不可通矣釋文類宮依注音判正義曰云類宮

郊之學也者。魯以小學爲類宮。類宮在郊。則所見經文注文已經改竄。成十七年公羊傳疏所引亦與今本同。則其誤久矣。

其餘無常貨

其餘無常貨。各以其國之所有。則致遠物也。鄭注曰。其餘謂九州之外夷服。鎮服。蕃服之國。周禮九州之外謂之蕃國。世一見。各以其所貴寶爲犖。正義曰。如以上所陳。謂九州之內諸侯。此言其餘者。謂九州之外。其餘四海之國。引之謹案。上文三牲魚脂。四海九州之美味也。四海九州。謂美味所出之地。并謂四海九州之諸侯也。

不得承以爲義。又不得指以上所陳爲貢自九州以內之諸侯。而以其餘無常貨爲九州以外四海之國所貢也。其餘二字對上文帛璧諸物言之。言以上所陳之貨皆有常。而其餘則無常也。無常故不能舉其貨之名。而但以其餘目之。其餘指貨言。非指國言也。國之所有。非必貴寶。凡職方九州所出。皆其國之所有也。所謂遠物亦非必荒服之物。凡不產於畿內者皆是遠物。覲禮曰庭實唯國所有。亦非謂荒服也。郊特牲說朝聘旅幣。文多與此同。其曰旅幣無方。無方者。無常也。檀弓左右就博學無方。鄭注並曰方猶常也猶此言其餘無常貨也。又曰。所以別土

地之立而節遠邇之期也。猶此言各以其國之所有則致遠物也。彼文非指九州之外。則此亦當然。鄭君偶未省耳。郊特牲正義解旅幣無方。謂眾國貢獻幣物。非止一方。則又未考此篇無常貨之文。而誤以方爲四方之方也。

旦明

郊特牲。所以交於旦明之義也。鄭注曰。旦。當爲神。篆字之誤。引之謹案。汗簡曰。古尚書神作禋。左畔之兀。古文示。是也。右畔之卩。蓋古巾字。說文。昌。籀文。中。虫部。𧈧。籀文。虹。從虫。皆與右畔相似。古文四聲引崔希裕纂古神作𧈧。集韻。神。古作𧈧。脫去上半而爲旦。

公廟之設於私家。由三桓始也。皆因變古而譏之。若臣
強而君殺之本。爲合義之事。則無須箸其所始。以示譏
矣。且慶父叔牙之外。由於季友之大義滅親。魯君未嘗
殺之也。如曰季友以君命酖牙。因以爲君殺之。則當云
大夫強而君殺之。由魯莊公之酖叔牙始也。文義方明。
何得不言殺臣之君。又不言所殺者之名。而但云由三
桓始乎。況季友卽三桓之一。而云大夫強而君殺之。由
三桓始。則是季友亦爲君所殺矣。其可通乎。三復經文。
由三桓始也句。與上文意義絕不相因。蓋涉下文由三
桓始也而衍。大夫強而君殺之義也。乃緘言其理。非必

有人以實之也。而唐顏師古匡謬正俗乃云殺讀爲降。殺之殺謂衰弱也。言大夫不當饗君。自三桓已來。大夫強而君弱。是以有君就饗於大夫者耳。案如顏說。讀殺爲降。殺之殺。而以大夫強而君殺六字連讀。則之義也。三字絕不可通。必改之義爲之。故而後可矣。宋陸佃又謂古者殺大夫非義也。後世大夫世執國政。君由是弱矣。有殺之者。更以爲義。則若三家者。有以啓之也。案此篇凡言由某始者。皆直言此事始於此人。今以大夫強而君殺之義也。爲若三桓者。有以啓之。則是三桓以後。乃有君殺強臣。而以爲義之事。不得謂之由三桓始矣。

蓋皆不知由三桓始也。之涉下文而衍。故強爲之說而卒不可通。

天子樹瓜華

天子樹瓜華。鄭注曰華果蓏也。天子樹瓜蓏而已。引之謹案。華爲果蓏。經無明據。鄭注周官甸師曰果桃李之屬。蓏瓜瓠之屬。是瓜爲專名而蓏爲總名也。瓜爲專名。蓏爲總名。則不可以瓜蓏並稱。猶之桃爲專名。果爲總名。則不可以桃果並稱也。華當讀爲瓠。月令曰瓜瓠不成。周官場人掌國之場圃。而樹之果蓏珍異之物。鄭注曰。蓏。瓜瓠之屬。是也。華字古聲如八月斷壺之壺。故與

瓠通廣韻瓠又音壺

以移民也

順成之方。其蜡乃通。以移民也。鄭注曰。移之言羨也。詩
頌豐年曰。爲酒爲醴。烝畀祖妣。以洽百禮。此其羨之與。
正義曰。蜡祭豐饒。皆醉酒飽食。使民歆羨也。家大人曰。
羨者。寬衍之意。大雅板篇及爾雅游衍。釋文衍作羨。漢書董仲舒傳。富者奢侈羨溢。顏師古注。羨
讀與衍同。與上謹民則相對。蜡祭豐饒。醉酒飽食。此先王所
以羨民。故曰。百日之蜡。一日之澤。非使民歆羨之謂也。
表記。衣服以移之。彼注曰。移。讀如禾汜移之移。移猶廣
大也。大戴記曾子立孝篇。飲食移味。居處溫愉。阮氏雲。

臺注曰。移之言羨也。是移爲寬衍之義。羨移一聲之轉。玉篇。遂徐戰切。移也是其例矣。

君子不興功

既蜡而收。民息已。故既蜡。君子不興功。正義曰。既蜡不興功者。謂不興農功。若其土功。則左氏傳。莊二十九年。云。龍

見而畢務。戒事也。火見而致用。水昏正而栽。日至而畢

土功。建亥之月起。日至而畢也。引之謹案。冬非務農之

時。君子雖欲興農功而不可得。何須言君子不興功乎。

尋繹文義。仍謂不興土功也。蓋蜡在十月。

周之十二月。夏之十月。僖

五年左傳。十二月丙子朔。晉滅虢。師還。襲虞。滅之。而宮之奇曰。虞不臘矣。則臘祭在後。是月上旬虞已爲晉所

臧。故不及臘也。杜注曰。臘。歲終祭眾神之名。則當火見在十月下旬。蜡與臘同日。亦在十月下旬明矣。而致用在十月之初。正義曰。心爲大火。十月之初。心周星次角亢之後。而晨見東方。周語。火之初見。期於司里。韋注曰。謂致其築作之具。會於司里之官。又火見而清風戒寒。清風至而脩城郭宮室。注曰。謂建亥之初也。是土功興於十月之初。祭蜡之前。若既蜡以後。則至十一月。不得更起土功也。左傳云。日至而畢者。謂蜡前所興之土功。至蜡後日至而畢。非謂日至始興土功也。言其始則曰興。言其終則曰畢。土功畢於既蜡之後。而非興於既蜡之後。然則傳云。日至而畢。正以見既蜡之不興功也。月令孟冬之月。先言坏城。

郭。土功也。後言臘。先祖五祀勞農以休息之臘。與蜡同。
日。太平御覽時序部十八引玉篇寶典曰。臘者。祭先祖。蜡者。報百神。同日異祭也。而次於坏城。
郭之後是土功之興在蜡前也。至仲冬之月。命有司曰。
土事毋作。土事。卽土功也。作。卽興也。則十一月不興土
功。在既蜡以後矣。故曰。既蜡。君子不興功。

壹與之齊

壹與之齊。終身不改。故夫外不嫁。鄭注曰。齊。謂其牢而
食同尊卑也。齊或爲醯。引之謹案。齊當讀爲醯。聲近而
假借也。古聲脂幽二部相出入。醯之爲齊。猶九侯之爲
鬼侯。見史記殷本紀集解譙呵之爲誰何。見史記衛緡傳雕琢之爲追琢。

也。見荀子富國篇醕與醕同。五經文字曰醕醕經典通用說文醕飲酒盡也

又云。歡盡酒也。醕醕歡並子肖切荀子禮論。利爵之不醕也。楊

注云。醕。盡也。謂祭祀畢告利成利成之時其爵不卒奠

于筵前也。天戴禮禮三本篇醕作卒。史記禮書作啐。啐當為卒。謂卒爵也。

索隱乃云。不啐入口。案少牢饋食禮祝祭酒。啐酒。奠爵于其筵前。注曰。啐酒而不卒爵。祭事畢。示醉也。是利爵未嘗不啐酒。但不卒爵。謂之醕。士昏禮贊洗爵。酌醕卒爵耳。索隱說非。

主人。主人拜受醕。婦亦如之。卒爵皆拜再醕如初。三醕

用。齊亦如之。婦與夫皆卒爵。故曰與之醕也。列女傳賢

明傳。宋鮑女宗曰。婦人一醕不改。夫歾不嫁。貞順傳。蔡

人之妻曰。適人之道。豈與之醕。終身不改。息君夫人曰。

終不以身更貳醮義皆本於此篇。是古本正作醮也。

婦盟饋

婦盟饋。舅姑卒食。婦餽餘私之也。釋文曰一本無婦盟饋三字。家大人曰。無此三字者是也。其有此三字者。後人據士昏禮加之耳。案昏義云。婦以特豚饋。明婦順也。此自婦言之也。此文舅姑卒食三句。則自舅姑言之。非自婦言之。故正義云。所以食竟以餘食賜婦者。此示舅姑相思私之義也。是私之也。句專承舅姑卒食。婦餽餘而言。與婦盟饋無涉。唐石經有婦盟饋。乃誤從釋文也。據正義云。禮本亦有云。婦盟饋者。則正義本無此三字。

甚明今從正義本。

羶薌

故旣奠然後燭蕭合羶薌。鄭注曰蕭薌蒿也。染以脂合黍稷燒之。羶當爲馨聲之誤也。匡謬正俗曰此言染蕭以脂合黍稷燒之。羶者脂氣薌者黍稷氣。於義自通而康成乃云羶當爲馨亦爲迂曲矣。蒙大人曰鄭讀是顏頤非也。馨羶聲相近故或以羶爲馨。燭蕭合馨薌者謂染蕭以脂合黍稷燒之使馨薌上達於牆屋故曰蕭合黍稷臭陽達於牆屋也。若脂則用之以燭蕭耳。非取其臭也。故正文但言蕭而不言脂。若讀羶爲腥羶之羶而

以羶爲脂氣。羶爲黍稷氣。則是脂合黍稷。非蕭合黍稷矣。薦孰之時。合蕭與黍稷燒之者。欲使羶氣上達以歆神耳。無取於羶氣也。且六牲之脂。又未必皆羶也。凡禮記馨羶字多作羶。祭義云燔燎羶。又云亨孰羶。平聲耕清青部中之字。多與元寒桓刪山仙相通。上去二聲亦然。亨孰羶。羶之羶。大戴曾子大孝篇作鮮。鮮字亦在仙韻也。呂刑苗民弗用靈墨。子尚同篇靈作練。鄭風東門之壇篇有缺。家室。韓詩踐作靜。齊風還篇。子之還兮。齊詩還作營。大雅大明篇。倪天之妹。韓詩倪作營。考工記梓人數目顧腹。注故書顧或作輶。鄭司農云輶讀爲爾頭無髮之髡。曲禮急結其怒。注結讀曰勁。左氏春秋僖元年。公敗邾師于偃。公羊偃作縵。襄十七年。邾子貜卒。公羊穀梁偃並作闕。若斯之類。不可悉數。師古既不知古聲之相近。又不知古字之相通。膠柱之調。固多拘闕矣。又小雅信南山傳云。血以告殷。管以升臭。合之黍

稷實之於蕭合馨香也。正義以此爲鄭箋。非也。今依集注及定本。大雅生民

傳云。既奠而後蒸蕭合馨香也。毛公兩言合馨香皆用

此篇之文。而其字皆作馨。則羶爲馨之俗字甚明。乃師

古曾不之考。反以鄭爲迂曲。而讀羶爲腥羶之羶。其失

甚矣。

擇於諸母與可者

內則。異爲孺子室於宮中。擇於諸母與可者。必求其寬

裕慈惠。溫良恭敬。慎而寡言者。使爲子師。其次爲慈母。

其次爲保母。鄭注曰。諸母。眾妾也可者。傳御之屬也。又

喪服注引此文而釋之曰。可者。賤於諸母。謂保姆之屬

也引之謹案鄭蓋讀可爲阿李賢注後漢書順沖質帝紀贊曰保安也阿倚也言可依倚以取安傳姆之類也其說卽本於鄭注列女傳節義傳曰禮爲孺子室於宮擇諸母及阿者是其證也又案說文娵女師也讀若阿史記范雎傳居淡宮之中不離阿保之手。倉公傳故濟北王阿母正義引服虔曰乳母也列女傳貞順傳曰下堂必從傳母保阿則喪服注以爲傳姆之屬是也釋文可字無音賈孔亦無訓釋蓋唐人已不知其爲阿字矣則必引而去君之黨

玉藻侍坐則必還席不還則必引而去君之黨鄭注曰

引御也。黨鄉之細者謂旁側也。辟君之親黨。家大人曰。黨所也。謂君所坐之處。鄭君謂黨爲旁側。已得之矣。而又以爲君之親黨非也。襄二十一年左傳。公享季武子。賦南山有臺。武子去所。曰。臣不堪也。杜注曰。去所。辟席也。彼稱所。指臣所坐之席。此稱黨。指君所坐之席。黨亦所也。古人多謂所爲黨。見前。父黨無容下。

魚須文竹

笏大夫以魚須文竹。鄭注曰。文猶飾也。大夫士飾竹以爲笏。釋文曰。魚須文竹。杜云。川文竹及魚班也。隱義云。以魚須飾文竹之邊。須音班。正義曰。文飾也。庾氏云。以

鮫魚須飾竹以成文。廬云以魚須及文竹爲笏。非鄭義也。家大人曰須與班音不相近。此節經文及釋文正義內須字皆頒字之誤。頒與班古字通。故釋文音班。故崔氏曰用文竹及魚班也。隸書分字或作𠂔。故頒字或作頒。形與須相似。因誤爲須耳。說文鮫海魚也。皮可飾刀。郭璞注中山經曰鮫魚皮有珠文而堅。可飾刀劍口。史記禮書集解引徐廣音義亦曰鮫魚皮可以飾服。然則鮫魚皮有班。可以爲飾。故大夫用之以飾笏也。若魚須非所以飾笏。且不間有文采。不得言以魚須文竹矣。

尚書大傳東海魚須。鄭注曰。今以爲簪司馬相如子虛賦。犀魚須之撓旃。張揖注曰。以魚須爲旃柄。皆非飾笏。

所自唐石經始誤頒爲須而集韻二十七刪內遂收入
須字音通還切引禮記大夫以魚須文竹羣經音辨須
魚須也音班
禮大夫以魚須文竹而類篇以下諸書竝沿其誤矣應
又如字誤與集韻同
鏞吳澄陳靖須字皆如字讀謂大夫以魚須飾竹皆由
不知頒之誤爲須故不得其解而妄爲之辭

立主人之北南面

童子聽事不廡無事則立主人之北南面唐石經同正義曰

此童子來聽使若有事則使之若無事在主人之北南
面而立鄭注論語憲問引此立主人之北南面作立主
人之南北面見士喪禮下篇疏周官內豎疏所引與鄭同家大

人曰。董子聽使。不當南面而立。作立主人之南北面者。是也。特牲饋食禮記云。佐食無事。則中庭北面。文義與此相似。

君子之容舒遲見所尊者齊遯

鄭注齊遯曰。謙慙貌也。遯猶蹙蹙也。正義曰。舒遲者閑雅也。齊謂齊齊也。上文廟中齊齊。注曰恭慙貌也。遯謂蹙蹙言自斂持

迫促不敢自寬奢。故注云謙慙貌也。引之謹案舒亦遲也。齊亦遯也。遯猶文速字疾也。言君子平日之容舒遲不迫見所尊者則疾速以承之。唯恐或後也。爾雅曰。舒緩也。齊疾也。舒遲與齊遯相對爲文。楚語敬不可久。民

力不堪故齊肅以承之齊肅皆疾也

韋注肅疾也與此素齊亦疾也

齊邀同義非謙慙自斂持之謂也

蕃鬣

明堂位夏后氏駱馬黑鬣殷人白馬黑首周人黃馬蕃鬣正義曰蕃赤也周尚赤熊氏以蕃鬣爲黑色與周所尚乖非也引之謹案魯頌駟篇傳云駱黃曰黃是黃馬色在駱黃之間已兼赤色足以明周之所尚矣若蕃字則古無訓黑訓赤者蕃蓋白色也讀若老人髮白曰皤皤字古讀若煩說文皤從白番聲賁六四賁如皤如與爲韻鄭陸本作皤音煩宣二年左傳宋城者謳皤其目皤其腹爲韻白蒿謂之藜白鼠謂之鼯馬之白鬣謂爲韻目腹爲韻

之蕃鬣其義一也。字又作繁。爾雅釋畜云。青驪繁鬣駉是也。郭璞不得其解而以兩被髦釋之。非是。辯見爾雅。

夏后氏之鼓足

夏后氏之鼓足。殷楹鼓。周縣鼓。七經孟子考文補遺曰。足利本鼓足作足鼓。或曰。此釋文正義無可考。但唐石本自作鼓足。未可輒改。家大人曰。足鼓鼓名也。與楹鼓縣鼓文同一例。若云夏后氏之鼓足。則文不成義。下文丞之和鍾。叔之離磬。亦與此文同一例。若云丞之鍾和。其可乎。據唐石經。又不如據本書之通例也。自通典樂四引此。已誤作鼓足。不始於唐石經矣。案廣雅鼓名有

足鼓。隋書音樂志。夏后氏加四足。謂之足鼓。殷人柱貫之。謂之楹鼓。周人縣之。謂之縣鼓。皆本明堂位之文。商頌那篇。置我鞀鼓。毛傳曰。夏后氏足鼓。殷人置鼓。周人縣鼓。正義曰。夏后氏足鼓以下。皆明堂位文。所異者。唯彼置作楹。傳依此經而改之矣。周頌有瞽。正義曰。明堂位云。夏后氏之足鼓。殷人楹鼓。周人縣鼓。詩正義兩引明堂位。皆作足鼓。與毛傳廣雅同。則孔本禮記之作足鼓。甚明。若謂石本未可輒改。則豈唐初人所據之本。反不如後出之石本乎。斯不然矣。

齊衰惡筭

喪服小記齊衰惡笄以終喪考文引古本是利本惡笄
上皆有帶字段氏若庸曰案注云笄所以卷髮帶所以
持身先釋笄後釋帶正義云此一經明齊衰婦人笄帶
終喪無變之制亦先言笄後言帶則經文帶字當在惡
笄下儀禮喪服布總箭笄疏引喪服小記云婦人帶惡
笄以終喪帶字在惡笄上是各本不同也家大人曰笄
在首帶在要故注及正義皆先笄而後帶若經文則不
然故正義述之云要經及笄不須更易要經卽帶也不
云笄及要經而云要經及笄則經文之先帶後笄明矣
喪服及士虞禮疏兩引此文皆作帶惡笄以終喪是孔

賈所見本帶字皆在惡斧上與考文所引古本足利本同。自唐石經始脫帶字。而正義內兩舉經文皆無帶字。通典禮四十五亦無帶字。則皆後人據已脫之經文明之也。

別之以禮義 禮義立 制之禮義 義不壹

大傳上治祖禰尊尊也。下治子孫親親也。旁治昆弟。合族以食。序以昭繆。別之以禮義。人道竭矣。正義曰。別之以禮義。人道竭矣者。總結上治祖禰。下治子孫。旁治昆弟。言此三事。皆分別之以禮義。使人之道。理竭盡於此矣。引之謹案。合族以食。序以昭繆。別之以禮義。皆旁治

昆弟之事人道竭矣。乃總承上三事言之。別之以禮義。
義讀爲禮儀。三百之儀。說文義已之威儀也。小雅楚茨
篇。禮儀卒度。韓詩儀作義。周官球師。治其禮儀。故書儀
爲義。鄭司農云。義讀爲儀。古者書儀但爲義。今時所謂
義爲齒。是古禮儀字本作義也。又王世子曰。若公與族
燕。則異姓爲賓。膳宰爲主人。公與父兄齒。族食世降一
等。皆所謂別之以禮儀也。若空言禮義。則與上文意不
相屬矣。又樂記曰。禮義立則貴賤等矣。樂文同則上下
和矣。正義曰。義宜也。若行禮得其宜。則貴賤各有階級
矣。引之謹案。義亦讀爲儀。禮儀與樂文正相對。周官大

司徒以儀辨等則民不越

故書儀或為義杜子春讀為儀

管子禁藏篇

禮儀足以別貴賤即此所謂禮儀立則貴賤等也又司

士正朝儀之位辨其貴賤之等典命掌諸侯之五儀

故書

儀作義鄭司農讀為儀

諸臣之五等之命上公九命侯伯七命子

男五命其禮儀各祇其命之數皆是也知非仁義之義

者下文有仁以愛之義以正之若此句先言義則下文

不須言義以正之矣又下文稽之度數制之禮義正義

曰謂裁制人情以禮義引之謹案義亦讀為儀禮義與

度數義相同也考漢書禮樂志正作制之禮儀

荀悅漢紀同

又緇衣曰下之事上也身不正言不信則義不立行無

類也義亦讀爲儀義不壹謂威儀不齊一也下文引詩曰淑人君子其儀一也正以爲儀壹之證正義以爲義事不能齊一未達經意也

問道藝

少儀問道藝曰子習於某乎子善於某乎鄭注曰道三德三行也藝六藝引之謹案地官鄉大夫以致其德行察其道藝德行與道藝分言則道非德行之謂也且三行之孝友本於天性不學而能亦何須問其曾習否乎今案道者術也韋昭吳語注道術也杜預左傳定五年注道猶法術道藝卽術藝列子周穆王篇脣之君子多術藝是也道訓爲術藝亦

是術故以道藝連文道即藝也天官宮正曾其什伍而
教之道藝鄭司農曰道謂先王所以教道民者藝禮樂
射御書數言禮樂射御書數先王所以教道民故又謂
之道也疏以道爲三德三行非先鄭之意地官保氏掌諫王惡而養國

子以道乃教之六藝太平御覽工藝部一引馬融注曰

道六藝也春官大司樂凡有道者有德者使教焉鄭彼

注曰道多才藝者德能躬行者是道藝同訓之明證道藝

同訓故言道可以兼藝言藝亦可以兼道大司徒賦事賦事十
二十日學藝鄭司農云學藝謂學道藝故鄉

大夫三年則大比攷其德行道藝而興賢者能者注曰

賢者有德行者能者有道藝者有道藝者謂之能則道

爲技術可知矣。嫻於道藝謂之習。工於道藝謂之善。皆指一事而言。正義謂道難故稱習。藝易故稱善。強爲分別。非也。

不彊狎

鄭注曰。妄相服習。終或爭訟。正義曰。彊猶妄也。不得妄與人狎習。或致忿爭。引之謹案。書傳無訓彊爲妄者。疑當讀爲謫。古字假借也。

莊子齊物論篇。彊日月。挾人宇宙。釋文曰。崔本彊作謫。人

與己不相習。則其過失無由而知。而相狎者。其人之善

惡皆已所素知。易生謫訕。但既謂之狎。則與己親近。

論語

鄉黨篇。子見齊衰者。雖狎必變。孔生日。狎者。素相親狎也。謫加於親近之人。非所以

全恩也。故戒之曰：不謗狎。所謂隱惡而揚善也。窺密謗狎，道舊故。舊故與故舊不同。舊故舊事也。廣雅曰：故，事也。朱子曰：舊事既非今日所急，且或揚人宿過以取憎惡。皆發人之惡，故竝言之。襄六年左傳曰：宋華弱與樂轡少相狎，長相優，又相謗也。是謗狎之明證。

乘馬服車不齒

有貳車者之乘馬服車不齒。觀君子之衣服服劬乘馬弗賈。鄭注：乘馬服車不齒曰服車。所乘車也。車有新舊正義曰：車有新舊則年歲有多少。價數有貴賤引之謹案曲禮曰：齒路馬有誅。僖二年公羊傳曰：吾馬之齒亦已長矣。蓋齒者年數也。馬有二歲曰駒，三歲曰駟。鄭司農按

人

八歲曰齒之分

說文。齒。馬。八歲也。

故可計其年齒若車之新

舊。本無年數之可分。則無由而齒之矣。衣服亦有新舊。曷嘗有年齒之可計乎。服車二字。當在下文乘馬之下。弗買之上。王制曰。命服命車。不弼於市。明他車可弼於市也。論語先進篇。顏淵死。顏路請子之車以爲之槨。孔注曰。顏路家貧。故欲請孔子之車。賣以作槨。車可賣。則有買矣。但尊者之車。不可論其賈之貴賤。故曰。觀君子之衣服。服劬。乘馬服車。弗買也。自傳寫者。誤置服車於不齒之上。而其義遂不可通。鄭所見本蓋已誤。

枕几穎杖

笈書脩苞苴弓茵席枕几穎杖琴瑟鄭注曰穎警枕也正義曰以經枕外別言穎穎是穎發之義故爲警枕引之謹案穎字當在枕下枕穎相連故知穎爲枕屬正義謂經枕外別言穎則所見本穎在枕下可知若如今本穎在几下則是几外別言穎非枕外別言穎矣正義述經曰枕也几也穎警枕也杖也當作枕也穎警枕也几也杖也今本穎警枕也在几也之下則後人據已誤之經文改之也釋文穎作穎盧氏參校宋本作穎與集韻合通志堂本作穎非也玉篇廣韻竝曰穎篋也古迥切與鄭異義蓋出盧王二家注文內則曰縣衾篋枕是枕有篋以貯之也穎與枕相連

故或以爲警枕。或以爲枕簪耳。唐石經始誤倒穎字於几下。

呻其佔畢

學記呻其佔畢。鄭注曰。呻吟也。佔視也。簡謂之畢。言吟誦其所視簡之文。引之謹案。佔讀爲筮。說文曰。頴川人名小兒所書。筮爲筮。又曰。籒書。籒竹筮也。廣雅曰。筮籒也。春秋齊陳書字子占。佔占。茲與筮同。佔亦簡之類。故以佔畢連文。鄭謂吟誦其所視簡之文。殆失之迂矣。

多其訊言及于數進而不顧其安

呻其佔畢。多其訊言。及于數進而不顧其安。鄭讀多其

訊爲句。言及于數爲句。云。訊猶問也。多其問難也。其發言出說不首其義。動云有所法象而已。禮記纂言讀多其訊言爲句。及于數進爲句。云。數進謂數進之學者。未可以進而又進之也。引之謹案。吳之句讀是也。而義尚未安。今案多其訊言者。釋文曰。訊字又作諄。爾雅曰。諄告也。諄。本又作訊。陳風墓門篇。歌以訊止。毛傳曰。訊告也。訊。本又作諄。小雅而無正篇。莫肯用訊。鄭箋曰。訊告也。是訊與諄通而同訓爲告也。多其訊言。猶云多其告語。謂不待學者之自悟而強語之。非謂多其問難也。及于數進而不顧其安者。隱元年公羊傳曰。及猶汲汲也。

爾雅曰數疾也鄭注曾子問曰數讀爲速及于數進謂汲汲於求速進也。

隱其學

故隱其學而疾其師苦其難而不知其益也鄭注曰隱不稱揚也家大人曰莊子外物篇相結以隱李頤注曰隱病患也後漢書張衡傳勤恤民隱李賢注曰隱病患也隱其學病其學也其施之也悖其求之也佛故弟子皆病其學而疾其師也隱其學疾其師苦其難三者文義相承則隱非不稱揚之謂。

有遺音者矣 有遺味者矣

樂記清廟之瑟。朱弦而疏越。壹倡而三歎。有遺音者矣。
大饗之禮。尚元酒而俎腥魚。大羹不和。有遺味者矣。引
之謹案遺字有二說。或訓爲餘。鄭注曰。遺猶餘也。正義
曰。質素之聲。有遺餘之音。質素之食。有遺餘之味。以其
有德。人愛之。不忘也。此一說也。或訓爲忘。爲棄。史記樂
書集解引王肅注。有遺音者矣。曰。未盡音之極。謂於音
忘。未至乎其極也。然則有遺味者矣。正義引一說曰。所
亦謂於味有所遺忘。未盡味之極。
重在德。本不在音。故遺音。今本作是有遺餘音。忘之不
之。與下文所又於有遺味者矣。引一說曰。禮本在德。不
引一說不合。
在甘味。故用水魚而遺味也。此又一說也。案後說是也。

上文曰樂之隆非極音也。食饗之禮非致味也。下文曰先王之制禮樂也。非以極口腹耳目之欲也。將以教民平好惡而反人道之正也。則至音不存乎音。至味不存乎味。呂氏春秋適音篇清廟之瑟。朱弦而疏越。一唱而三歎。有進乎音者矣。大饗之禮。上元尊而俎生魚。大羹不和。有進乎味者也。高注曰。貴其樂和。故曰有進乎音。上質貴本。故曰有進乎味。言進乎音。則所貴者不在音。故其樂之質素。有遺忘乎音者矣。言進乎味。則所貴者不在味。故其禮之質素。有遺忘乎味者矣。此謂不尚音與味。非謂其有餘音餘味也。不當如鄭注所云。

物至知知

感於物而動。性之欲也。物至知知。然後好惡形焉。鄭注曰。知知。每物來。則又有知也。言見物多。則欲益眾。王肅上知字。讀爲智。云。事至能以智知之。見史記樂書集解家大人曰。二說均有未安。予謂上知字。卽下文知誘於外之知。下知字。當訓爲接。言物至而知與之接也。墨子經篇曰。知。接也。莊子庚桑楚篇曰。知者。接也。淮南原道篇曰。感而後動。性之害也。物至而神應。知之動也。知與物接而好憎生焉。是其明證矣。古者謂相交接曰知。因而與人相交接亦謂之知。昭二十八年左傳。叔向一見驂蔑。遂

如故知言如故交也。楚辭九歌樂莫樂兮新相知。言新相交也。後漢書宋宏傳貧賤之交不可忘。羣書治要交作知。知與交同義。故又有知交之語。呂氏春秋明理篇弟兄相誣。知交相倒是也。因而相匹偶亦謂之知。檜風隰有萋楚篇樂子之無知。鄭箋曰知匹也。首章言無知二章三章言無家無室其義一也。引而伸之觸類而長之而依聲託事之義瞭如指掌矣。

樂由中出故靜 文而靜

樂由中出故靜。禮自外作故文。鄭注曰文猶動也。引之謹案鄭以靜爲動靜之靜。故云。文猶動也。今案樂者感

於物而動。故形於聲不得謂之靜。靜當讀爲情。情者誠也。淮南總稱篇情繫於中行形於外高注曰情誠也。僞二十八年左傳民之情僞盡知之矣。謂民之誠僞也。僞實也。大學無情者不得盡其辭論語上好信則民莫敢不用情。鄭孔注並曰情實也。宣十四年公羊傳是何子之樂由中出故誠實無僞下文曰和順積中而英華發外唯樂不可以爲僞正所謂樂由中出故情也。古字靜與情通。大戴禮文王官人篇飾貌者不情謂不誠實也。逸周書官人篇情作靜。逸周書情忠而寬。大戴禮情作靜。大戴禮又曰誠靜必有可信之色。靜亦情之假借。說見大戴禮誠情必有可信之色者表記所謂情可信也。表記又曰文而靜。鄭注曰靜或爲情。案情正字也。靜借

字也。文而情者。外有文章而內又誠實也。情與文相對。爲義正。與此同。下文曰。知禮樂之情者。能作。識禮樂之文者。能述。又曰。情淡而文明。荀子禮論篇曰。至備情文俱盡。其次情文代勝。又曰。三年之喪。稱情而立文。又曰。得之則治。失之則亂。文之至也得之則安。失之則危。情之至也。此云。樂由中出。故情。禮自外作。故文。皆以情文相對爲義也。而表記正義乃云。文而靜者。臣皆有文章。而又清淨。失其指矣。

莊敬恭順

引之謹案。順當爲慎。正義曰。外貌莊敬。謙恭謹慎。是禮。

之節制也。則冲遠所據本作慎。不作順。可知。史記樂書文與此同。張守節正義曰。謂容貌莊敬。謙恭謹慎。是禮之節制也。則張氏所據史記本亦作慎。今本史記作順。蓋後人據誤本樂記改之也。唐石經始誤作順。

測渼厚

及夫禮樂之極乎天而燔乎地。行乎陰陽而通乎鬼神。窮高極遠而測渼厚。正義曰。測。知也。家大人曰。測。盡也。謂盡其渼厚。非謂測知其渼厚也。窮極測。皆盡也。言禮樂之大無所不至。窮乎高極。平遠而盡乎渼厚也。中庸曰。其爲物不貳。則其生物不測。言天地之生物無窮也。

又曰及其無窮及其不測。不測亦無窮也。莊子在宥篇
破其物無窮而人皆以爲終。彼其物無測而人皆以爲
極。無測亦無窮也。管子九守篇高山仰之不可極也。濶
淵度之不可測也。不可測亦不可極也。說文測濶所至
也。濶所至謂濶之盡極處也。呂氏春秋論人篇闊大淵
濶不可測也。高注曰測盡極也。下賢篇昏乎其濶而不
測也。淮南原道篇水大不可極濶不可測。高注竝曰測
盡也。皆其證矣。

其移風易俗

其感人濶。其移風易俗。荀子樂論篇說苑脩文篇竝同。

史記樂書其移風易俗作其風移俗易漢書禮樂志作其移風易俗易下易字顏師古音弋鼓反家大人曰當從漢書補下易字蓋樂之感人既濫則其移風易俗必易二句相對爲文若下句末無易字則文不成義且與上句不對矣漢書董仲舒傳樂者所以變民風化民俗也其變民也易正與此易字同義祇以易易同字後人誤以爲重複故或改移風爲風移而刪去上易字則爲風移俗易矣或刪去下易字則爲移風易俗矣荀子說苑無下易字卽後人依禮記刪之而漢書易字獨未刪則以師古音弋鼓反故也釋文易字無音正義釋移風

易俗而不及下易字則唐初本已無此字。不始於后經矣。淮南主術篇攝權勢之柄其以移風易俗易矣。今本無下易字亦後人誤以爲複而刪之也。下文曰攝權勢之柄其於以化民易矣句法與上文同則上文亦有易字可知。蓋讀書未審而率意刪改者大類如此。

志微嚙殺

志微嚙殺之音作而民思憂鄭注曰志微意細也引之謹案志微嚙殺四字平列不當上下異訓志亦微也志與職古字通楚辭九章章畫職墨說文曰職記微也故趨步微小謂之志趨聘禮記賓將授志趨是也詳見志趨條下

素問謂小心爲志心義亦同也。亦見志趣下。陳結欲改志爲急急與微意不相貫何其謬耶。史記樂書作志微焦衰漢書禮樂志作纖微癯瘵纖與微亦同義也。錢氏漢書攷異以志爲纖之譌失之。

狄成

流辟邪散狄成滌濫之音作而民淫亂引之謹案狄讀爲詵成者戊之譌戊與越通呂氏春秋音初篇流辟詵越悞濫之音出悞濫卽滌濫也詵越卽狄戊也楚辭九思聲噉詵兮清和詵字亦作咷漢書韓延壽傳噉咷楚歌服虔曰咷音滌濯之滌正與狄同音故詵通作狄鄭

云狄往來疾貌。方言曰：佻疾也。廣雅曰：越疾也。佻與詵

同聲。越與佻同聲。是詵越狄佻皆謂樂聲往來之疾也。

隸書成字或作𠂔，成字或作𠂔，形極相似，故佻字譌而

爲成。史記樂書亦作成，則此字之譌已久。史記高祖功臣侯者年表索隱

曰：任侯張成，漢表作張越。汲古閣所刻索隱單行本如是，今本史記作張越，乃後人

依漢書改之。又建元已來王子侯者年表：定敬侯劉越，水經

河水注作劉成，說苑正諫篇左伏楊姬，右擁越姬，藝文

類聚人部八引此越姬作成姬。其作成者皆佻之譌也。

鄭以狄爲往來疾貌而不解成字，蓋闕之也。王肅解狄

成謂成而似夷狄之音。見史記集解。孔穎達謂速疾而成，望

文生義胥失之矣

以繩德厚

然後立之學等廣其節奏省其文采以繩德厚鄭注曰繩猶度也正義曰謂準度以道德仁厚也史記樂書集解引王肅注曰繩法也法其德厚薄也引之謹案德厚猶言仁厚德厚二字平列下文律小大之稱比終始之序以象事行事行二字亦平列鄉飲酒義曰主人者接人以仁以德厚者也管子形勢解篇曰無德厚以安之無度數以治之荀子君道篇曰德厚者進而佞說者止韓子外儲說右篇曰德厚以與天下齊行齊策曰德厚

之道得貴士之力也。史記秦本紀曰：施德厚骨肉而布惠於民。孝文紀曰：德厚侔天地，利澤施四海。鄒陽獄中上梁王書曰：墮肝膽，施德厚。司馬相如上林賦曰：費府庫之財而無德厚之恩。德厚二字皆平列，正義謂準度以道德仁厚於義稍疏，而王注乃謂法其德之厚薄於厚下加薄字以解之，其失甚矣。

律小大之稱

爾雅律銓也。邵氏二雲正義曰：樂記云律小大之稱，比終始之序，律訓爲銓度，猶比訓爲比次也。稽先生補史記樂書作類小大之稱，按大史公易經傳之字俱本雅

訓易律爲類於雅訓無徵。少孫視史遷爲疏矣。鄭注以律爲六律亦於雅訓偶有不檢也。引之謹案。鄭注以爲六律。文義未安。邵氏規正之是也。而謂稽少孫易律爲類則非。類律古同聲。故律通作類。猶廉直勁正。少孫勁作經。管乎人情。少孫管作貫。石聲磬。少孫磬作經。禮主其減。少孫減作謙。皆所見本如是。非以同義之字代之也。此與史遷易經傳之字不同。何得援以相校乎。漢書律歷志。陰陽之施化。萬物之終始。既類旅於律呂。又經歷於日辰。律之言類。呂之言旅也。集韻入聲六術。是律類似也。音律。與類同聲。何疑於律之作類乎。襄九年左傳。晉君類能。

而使之類之言律謂銓度其才能而使之也。杜注云隨所能失之
周語曰象物天地比類百則又曰度之天神比之地物
類之民則方之時動是類與比同義類小大之稱比終
始之序其義一也。

感條暢之氣

感條暢之氣而滅平和之德。鄭注曰感動也。動人條暢
之善氣。使失其所。家大人曰。條暢讀爲滌蕩。滌蕩之氣
謂逆氣也。上文其聲哀而不莊云云。謂姦聲也。故下文
曰。姦聲感人而逆氣應之。逆氣成象而淫樂興焉。滌蕩
之氣與平和之德正相反。平和之德謂順德也。故下文

曰正聲感人而順氣應之順氣成象而和樂興焉姦聲
正聲各以類相動故下文曰萬物之理各以類相動也
考史記樂書及說苑脩文篇竝作感滌蕩之氣而滅平
和之德淮南泰族篇附循其所有而滌蕩之文子自然篇作條暢上文曰流辟邪散
狄成滌濫之音作而民淫亂呂氏春秋音初篇曰流辟
詭越悖濫之音出則悖蕩之氣邪慢之心感矣悖濫卽
滌濫也悖蕩卽滌蕩也滌蕩條暢悖蕩聲相近故字相
通說文滌從水條聲周官條狼氏杜子春云條當爲滌郊特牲滌蕩其聲滌徐同弔反聲與條悖竝相近
鄭曰動人條暢之善氣則是善氣與姦聲相應非其類

矣

五色成文而不亂

鄭注曰。五色五行也。正義引崔氏曰。五色者五行之音。謂宮商角徵羽之聲。和合成文而不亂也。引之謹案。五行與樂無涉。其說疏矣。崔以爲五音五音不得謂之五色。亦非也。今案五色當以所用之器言之。若帔舞之列五采繒。見地官鼓人注。皇舞之析五采羽。見舞師注。璧嬰之垂五采羽。見明堂位注。皆五色也。他若瑟有朱弦。舞有朱干。鍾有青赤黃景黑。景白也。見管子五行篇。其餘樂器髹畫者。亦具五色。若牘有兩空髹畫。雅有兩紐疏畫。並見春官笙師注。是也。樂器備五色而皆秩然有序。故曰。五色成文而不亂。

八風從律而不姦

鄭注曰。八風從律。應節至也。正義曰。八風八方之風也。律謂十二月之律也。樂音象八風。其樂得其度。故八風十二月律應八節而至。不爲姦慝也。引之謹案。如鄭詭則是天地之氣感於樂而順應也。案下文樂行而倫清云云。方言作樂之效。此則但論樂之情狀。不應遽及於八風之順應也。且八方之風分應八節。無一時並至之理。作樂之時縱有風來。亦止一方。何得有八方之風雜沓俱來乎。八風非謂八方之風也。古者八音謂之八風。襄二十九年左傳五聲和。八風平。謂八音平也。五聲八

風相割爲文

杜注曰八方之氣謂之八風非也

昭二十年傳一氣二體

三類四物五聲六律七音八風九歌以相成也二十五

年使爲九歌八風七音六律以奉五聲八風與七音九

歌相次則是八音矣八音皆人所爲故曰爲九歌八風

若八方之風具是天籟不得言爲矣故知八風謂八音

也

杜注二十年傳曰八方之風亦非說詳左傳八風下

八風從律而不姦者卽堯

典之八音克諧無相奪倫也

孟子離婁篇趙注曰倫序也大戴禮文王官人篇盧

注曰倫律銓也次也

爾雅曰律銓也玉篇廣韻並曰銓次也

姦讀曰姦姦

犯也

此支姦犯淫也宣十二年左傳事不奸矣杜注曰奸犯也

八音各從其次而不

相陵犯故曰八音從律而不姦此之所謂律猶書之所

謂倫而非十二律之謂也此之所謂姦猶書之所謂牽而非姦隱之謂也鄭君既誤以八風爲八方之風遂竝以上文之五色爲五行下文之百度爲百刻以作樂之情狀而解爲天地陰陽之事益失其指矣

百度得數而有常

鄭注曰百度百刻也言日月晝夜不失正也陳祥道曰百度得數而有常節之以十二律之度也吳季札觀樂於魯而曰五聲和八風平節有度守有序盛德之所同也義二十九百度得數而有常節有度守有序之謂也年左傳十二律長短有度多寡有數引之謹案陳氏之說長於

舊說矣而以度爲十二律之度則非也下文倡和清濁

迭相爲經始以十二律之長短言之

正義曰黃鍾至仲呂爲濁長者濁也

蕤賓至應鍾爲清短者清也

此則謂樂之節奏也左傳節有度正義

曰八音之作有節其節皆有常度是樂之節奏謂之度

後世之曲度

後漢書馬防傳多聚聲樂曲度比諸郊廟李賢注曰曲度謂曲之節度也

句度

晉書樂志巴渝舞曲四篇其辭既古其能曉其句度

其遺法也節奏非一故曰百

度數者度之多寡也其大者若升歌三終笙入三終閒

歌三終合樂三終及武始而北出再成而滅商三成而

南四成而南國是疆五成而分周公左召公右六成復

綴以崇天子之屬是也其小者若三步以見方

以三夾爲度

振之而駟伐

駟與四通以四為度

壹倡而三歎

以三人為度

之屬是也

多寡得宐故曰得數一成不變故曰有常

樂氣

然後樂氣從之校勘記曰宋監本岳本嘉靖本皆作氣

衛氏集說同史記樂書亦作氣

說苑脩文篇同

石經氣字剝闕

閻監毛本作器引之謹案氣卽器之假借也大戴記文

王官人篇其氣寬以柔逸周書氣作器莊子人閒世篇

氣息第然釋文氣息向本作謏器云器氣也是器與氣

通上文曰金石絲竹樂之器也故此云樂器從之猶上

文言從以簫管也史記正義乃云樂氣詩歌舞也則以

知氣之爲器也。宋輔廣又謂樂氣爲和氣。方慤至讀樂爲憂樂之樂。謂樂以樂爲主。故特云樂氣皆於文義未安。不如讀氣爲器之爲得也。然徑改其字爲器則非。

猥雜子女

及優侏儒。猥雜子女。不知父子。鄭注曰。猥。獼猴也。言舞者如獼猴戲也。家大人曰。猥當爲擾。字之誤也。擾與糅古字通。楚語。民神糅糅。史記。歷書作雜。擾是其證。史記夏本紀。擾而殺徐廣曰。擾一作柔。擾之通作柔。猶糅之通作擾矣。糅說文本作糅。紐之通作擾。猶左傳公山不狃論語作弗。此言侏儒優侏儒之人。糅雜於男女之中。不復知擾矣。有父子尊卑之等也。鄭注。鄉射禮記曰。糅者雜也。

唯某之間諸葛宏亦若吾子之言是也

鄭注不釋唯字釋文唯字無音正義唯作惟曰惟某之間諸葛宏者孔子既得賓牟賈之荅故云聞諸葛宏家大人曰唯讀曰雖古字唯惟與雖通言不但吾子之言如是雖我之所聞於葛宏者亦如是也雖與亦文義相應秦策曰樊邑之王所甚說者無大大玉唯儀之所甚願爲臣者亦無大大玉樊邑之王所甚憎者無先齊玉唯儀之所甚憎者亦無先齊玉史記張儀傳唯皆作雖史記汲黯傳宏湯潏心疾黯唯天子亦不說也漢書唯作雖漢書楊雄傳解詡唯其人之瞻知哉亦會其時之

可爲也。文選唯作雖。史記范睢傳曰。須賈問曰。孺子豈有客習於相君者哉。范睢曰。主人翁習知之。唯睢亦得謁司馬相如。傳曰。相如使時。蜀長老多言通西南夷。不爲用。唯大臣亦以爲然。皆雖之借字也。字又作惟。史記淮陰侯傳曰。信問王曰。大王自料。勇悍仁彊。孰與項王。漢王默然良久。曰。不如也。信再拜賀曰。惟信亦爲大王不如也。漢書惟作唯。字竝與雖同。顏師古。雖唯字爲句。而以爲應辭。非是。且皆與亦字相應。是其例也。表記唯。天子受命於天。鄭注曰。唯當爲雖。則此亦當然。而注未之及。蓋闕略也。而釋文正義遂不知爲雖之假借矣。近世讀者。乃以唯字

絕句而讀唯諾之唯大誤。

名之曰建橐

鄭注曰建讀爲鍵。字之誤也。兵甲之衣曰橐。鍵橐言閉藏兵甲也。正義曰。鍵是管籥閉藏之名。故讀爲鍵。或以管籥或以橐衣閉藏兵革。故云鍵橐也。引之謹案。鍵所以持門戶。與橐不倫。無由竝舉。且凡府庫之藏。皆有鍵。閉無以見其爲藏兵革也。王肅注家語辨樂篇以建橐之建爲建諸侯與橐字文義不屬。今案建當讀爲鍵。方言曰。所以藏弓謂之鍵。說文尤誤。日鍵。所以戢弓矢也。釋名曰。鍵。建也。弓矢竝建立於其中也。僖二十三年左傳。左執鞭弭。右屬橐鍵。杜注曰。橐

以受筋。韃以受弓。是韃橐皆所以戢弓矢也。名之曰韃橐者。卽詩載橐弓矢之義。言藏弓矢而干戈之戢可知矣。馬融廣成頌正作韃橐。

繫瘠

使曲直繫瘠。廉肉節奏。足以感動人之善心而已矣。九經古義曰。荀子瘠作省。案省與青通。青猶瘠也。故字亦作瘠。尋文義。繫省爲長。家大人曰。惠以繫省爲長。是也。謂省通作青。青又作瘠。則非也。經傳中省青二字。無通作瘠者。當是省譌爲脊。又譌爲瘠耳。曲與直對。繫與省對。廉與肉對。繫省猶多少也。廉肉猶肥瘠也。若作繫

瘠。則文不成義矣。鄭注。繫瘠廉肉。聲之鴻殺也。繫瘠亦當作繫省。鄭言聲之鴻殺。殺字正釋省字。

傳二十二年公羊傳注殺

省也。今本注文亦作繫瘠。則因正文而誤也。釋文瘠在亦

反。則陸本已誤作繫瘠。而唐石經及各本皆沿其誤。若正義則本作繫省。而後人改之也。案正義釋經曰。曲謂聲音迴曲。直謂聲音放直。繫謂繫多。則下句亦當云省。謂省約。今本作瘠。謂省約。則後人以已誤之經。改不誤之疏也。正義又釋注曰。鴻謂龐大。殺謂細小。言樂聲須宏大而多。則肉與繫聲是也。殺謂聲音細小。則瘠與廉聲是也。案上既云殺謂細小。則下不當更云殺謂聲音

細小且與宏大而多句不對明是後人所改此當作言

樂聲或須宏大而多其須二字見下文則肉與繁聲是也或須

細小而少少字亦見下文則省與廉聲是也宏大釋肉多釋繁

故曰則肉與繁聲是也細小釋廉少釋省屬難省少也故曰

則省與廉聲是也後人改省為瘠則與少字之義不合

因并改上句之或須細小而少為殺謂聲音細小甚矣

其謬也正義又曰言聲音之空或須繁多肉滿者或須

瘠少廉瘠者瘠少亦當作省少多即繁也滿即肉也少

即省也瘠即廉也後人改省少為瘠少則文不成義且

瘠與瘠複矣台正義前後文觀之則後人妄改之迹自

明荀子樂論史記樂書並作繁省。樂書集解引鄭注亦作繁省。今據以訂正。

族長

在族長鄉里之中。注及正義不釋族長二字。引之謹案族長皆鄉黨之屬。地官大司徒之職。五家爲比。五比爲閭。四閭爲族。管子乘馬篇五家而伍。十家而連。五連而暴。五暴而長。命之曰某鄉。是百家爲族。二百五十家爲長也。故與鄉里並言。或曰。舜典正義引作族黨。長蓋黨之譌。案釋文族長。丁丈反。正義釋下文附親萬民也。句曰。附親萬民也者。則上文族長鄉里之中。長幼同聽。莫

不和順之屬。荀子樂論。史記樂書。亦作族長。無作黨者。
舜典正義所引。蓋亦作長。校書者誤改爲黨耳。學者多
聞族黨。少聞族長。則以其所知。改其所不知矣。

天地之命

故樂者。天地之命。中和之紀。鄭注曰。命。敎也。史記樂書
作天地之齊。荀子樂論篇作天下之大齊。家大人曰。作
齊者是也。齊。同也。楚辭九歌注曰。齊。同也。襄二
十二年左傳及楚語注並同。上文曰。

樂者爲同。禮者爲異。又曰。天高地下。萬物散殊。而禮制
行矣。流而不息。合同而化。而樂興焉。是樂爲天地之同
也。荀子作天下之大齊。亦謂天下之大同也。鄭注中和

之紀曰紀總要之名也。天地之齊中和之紀。紀與齊皆
是統同之義。故上文又曰樂統同也。命字篆文作命。齊
字篆文作命。見汗二形相似。故齊譌爲命矣。

得其儕

夫樂者先王之所以飾喜也。軍旅鈇鉞者先王之所以
飾怒也。故先王之喜怒皆得其儕焉。鄭注曰儕猶輩類
引之謹案儕當讀爲齊。爾雅曰齊中也。小雅小宛傳曰
齊正也。當喜而喜當怒而怒則得其中正矣。故曰先王
之喜怒皆得其齊焉。管子正世篇事莫急於當務。治莫
貴於得齊。亦謂得其中正也。齊正字也。儕借字也。鄭據

借字解爲輩類失之當喜而喜當怒而怒何儕輩之有

乎荀子樂論史記樂書正作齊

自虎通義
禮樂篇同

經義述間第十五